

明燈寶鑑

忠孝部





明燈寶鑑

◆ 忠・孝部目錄 ◆

謝詞	護國九天宮	04
無極懿旨	瑤池金母大天尊	05
護國元君	九天玄姆	06
南天文衡聖帝	序	07
大成至聖先師	序	08
濟公活佛	序	09
《忠部》		
第一章	忠臣之道篇／護國元君	12
第二章	士忠之道篇／亞聖 孟子	14
第三章	農忠之道篇／南丹紀壽 赤皇炎帝	16
第四章	工忠之道篇／巧聖先師 魯班	18
第五章	商忠之道篇／南天 文衡聖帝	20
第六章	忠僕之道篇／護國元君 九天玄姆	22
第七章	差役之忠篇／濟公活佛	24

第八章	書吏之忠篇／金關上相諸葛武侯	26
第九章	忠誠順天篇／南宮孚佑帝君	28
第十章	戒訟忠民篇／先天豁落靈官 王天君	30
第十一章	醫卜之忠篇／金闕上相 李白仙翁	32
第十二章	師儒之忠篇／大成至聖先師 孔夫子	34

《孝部》

第一章	行孝養親篇／端木賜 子貢夫子	38
第二章	誠身順親篇／宗聖 曾夫子	40
第三章	敬孝鰥親篇／九天司命眞君	42
第四章	誠孝後母篇／護國元君 九天玄姆	44
第五章	勸婦孝親篇／無極麻仙姑	46
第六章	闡孝揚親篇／北極紫微大帝	48
第七章	遠孝捨親篇／中華帝君	50
第八章	孝祭祀親篇／述聖 子思夫子	52
第九章	孝父報親篇／北極玄天上帝	54
第十章	喜悅諫親篇／護國元君 九天玄姆	56
第十一章	庶民答親篇／陽明夫子	58
第十二章	尊祖敬親篇／幸我夫子	60

蓋聞爲善必昌，古今明證，施德不報，聖哲仁心。莫謂霄漢冥中，難知天威，善德乃人本份內事，是以善小勤積，善始善終，足爲神佛默爲呵護。今民風怪異，邪說玄斥，神道設教，飛鸞教化，降筆著書，醒頑愚巧罔覺，極邪風於無形，化道之奧妙，實非人所能測也。

此《明燈寶鑑》共分八部，自歲次辛未年每逢鸞期降筆著書，至丙子民國八十五年全部告竣，時因遭際財物維艱，出版進行中止，邇主席九天玄姆、文衡聖帝迭降鸞，嚴厲督促，速予付梓頒佈宇內。奈匱乏剗剛之資，謹將忠孝、仁愛、禮義、廉恥四部加訂冊增，用邀諸賢，敢懇吾台疆寶島四方各界人士，踴躍參加，真誠美舉，則群策群力，竭誠鼎助，庶幾或可挽頹波於來茲，振隆風於萬古。

今幸得遂棗梨之舉，仰賴贊襄，叨傾囊之厚援，感《明燈寶鑑》之造就，雖曰投桃不冀報李，然本宮社受其贊者，豈敢外諸懷抱，今誠感揮毫銘謝，俯仰神馳，低徊意重，詞未殫於修牘，謝盡微夫之忱，伏冀鴻涵，曷勝省忤。

恭

呈

諸位賢德鈞鑒

護國九天宮忠孝堂

修緣雜誌社

鞠躬謝啓

欽差大臣無極駕前 何仙姑 降

詩曰：道統明燈賴會通，桂香几案把身躬，

龍章鳳藻千秋炳，慈航廣佈化九州。

聖示：吾今奉

欽奉

無極老中懿旨賚詔宣讀，神人俯伏，叩接懿旨。

瑤池金母大天尊懿旨曰：

中居瑤池，心存好生，恩沾草木，德被乾坤。邇年來人心不古，世風丕變，孽海汪洋，爲子不孝，忤逆爹娘，爲臣誤國，殘害忠良，夫妻不和，目反帷房，兒子不教，變成犬羊，字紙不敬，聖道淪亡，是非長短，握髮難數，善則降祥，惡者降殃。人心至此，於焉倒置，四維八德，遽爾沈淪，案定天律，災施八劫，非 中之忍出於此劫，實下民所自召耳！

時下至今，無君無父，忘仁舍義，三綱五常棄如江東之海，其罪匪淺。斯時尚不悔悟，更待何時？夫臨事知悔，猶如江中補漏，悔之恨切，猶如勒馬臨崖，其咎歸與哉。雖此凶災日下，中不忍不教而誅之，奈何人鐵石之心，竟視 中意虛虛幻幻，是可無也。不肯信受奉行，眾生譎辯之心，其罪雖不勝誅， 中心亦何以安？

今慶有北台護國九重宮忠孝堂，九天玄姆、關、呂、張卿，協同三教諸天仙佛，請旨再著金篇醒世， 中著意許久，鳳顏幸悅，賜旨乙道，令駕前何仙姑

賚 中懿詔傳宣頒佈，題賜書名曰：《明燈寶鑑》，開教化於萬年，冊分八部，每逢鸞期，設案叩首，迎迓聖賢，隨方顯象，擇施飛鸞，字字珠璣，針針見血，爲宇海內諦增一慈航，廣佈天下。期盼諸子有始有終，陪著天書，待書成完竣之日，論功加爵，並繳交三冊，三曹對案，勿負 中意。

欽哉勿忽，叩首謝恩。

天運辛未年菊月初二日

序

護國元君 九天玄姆 降

詩曰：明燈照耀遍三千，寶鑑醒世勸迷顛，
金箴闡教慈心現，救渡羔羊登岸先。

又詩：綱常八德振古風，忠孝道脈繼中庸，
物格率性人倫守，滾堯舜政述儒宗。

聖示：吾今夜特爲《明燈寶鑑》乙書作序。

夫聖人立教，以經書傳於後世，憂天下人心不正，矯柔僞私，逆天背父，顛次倫理，悲心哀嘆！縱爾古聖洩其真詮，嘔心泣血，盡闡聖章賢典，然斯值文明末世，人心難見古風。輒而殺親弑妻，或巧詐欺心，指數難陳。今鸞門闡教，儒宗正道再顯救世，三界高真復轉人間再述寶篇，警世勸迷。今臺瀛護國九重宮忠孝堂，諸生心生悲憫，欲挽狂瀾於既倒，誠感 中心。特賜懿旨乙道，每逢鸞期著作《明燈寶鑑》，由吾會同列位聖真合著，寶鑑列冊分八部，以「忠孝、仁愛、禮義、廉恥」每部分十二篇，計九十六章，著完爲止，盼爾諸生使命重擔，再承天命勞其筋骨，共著天書，救挽眾生於彼岸，值此著書前夕，特聊數語以爲序。

天運辛未年菊月初九日

護國元君 九天玄姆 降序於護國九重宮忠孝堂

序

南天 文衡聖帝 降

詩曰：忠孝古傳承道統，敦仁復古繼聖宗，
明燈寶鑑承堯舜，再振綱常挽頹風。

又詩：三墳五典現仁風，昇平盛世推大同，
八德禮義秉遵守，啓愚轉智悟真龍。

聖示：今夜特降爲《明燈寶鑑》乙書作序。

蓋溯往上古三代五帝，唐虞盛世，曉遵天理，思復三代以下，民私逆天，存僥倖詐僞，見孔儒之道詩書禮樂，廢儒敝屣，曲學爭鳴，朱墨之害盈天，三綱既廢，五常全失，忠義斷絕，夫婦爭於帷房之內，兄弟分於蕭牆，民心既已反常，天心豈有坐視？本欲臨劫而誅之。然三界聖真奏本，不忍蒸民俱焚，值護國九重宮忠孝堂諸生欲挽狂瀾，有心世道沉淪，奉旨著作《明燈寶鑑》，三界聖真聞此喜讚，同領懿旨期期降臨，闡化金箴寶訓，實用心良苦矣！

值《明燈寶鑑》再振儒宗心法，傳承聖賢遺典，追泗水之風，延禮孔孟聖學，冊分八部，義深詞賅，願爾世宇人等聞閱寶鑑，皆能警目觸心，共挽頹俗邪風，趨於祥和之境，俚言片語爰之爲序。

南天 文衡聖帝 降序於護國九重宮忠孝堂

天運辛未年九月十六日

序

大成至聖先師 孔 降

聖示：吾今夜特爲《明燈寶鑑》乙書降鸞作序。

夫神道設教，補政法之爲末；聖賢經典，醒迷人之性。鑑古思今，上古之時演禮義敦仁風，斯爲海宴昇平之境；下古至今卻視禮樂詩書爲具文，笑仁義爲多事，鄙禮如迂談。縱觀爾輩斯文賤地，「士」居蝸廬而妄思厚祿高爵，「農」處幽室而逸閒情事，「工」勞體膚而貪樂利賂，「商」本務實，視利薰財見末。世宇眾生既趨利忘義，道德失、五倫廢，此乖戾風尚，三界神佛聞之生悲憫慈心，協同請旨飛鸞闡教，開演堯舜儒風，今值護國九重宮中孝堂奉懿命著作《明燈寶鑑》，倡忠道揚孝風，是佛聖等之苦口婆心，此部書冊分八部，正合三綱五常，足可抵末世之邪風，遏歐美之逆流，盼閱得此書，棄黑暗求其明燈指引，修寶鑑苦海早登彼岸，今宵俚語予以爲序。

大成至聖先師 孔 降序於護國九重宮中孝堂

天運辛未年九月二十三日

序

濟公活佛 降

詩曰：八德綱常醒人寰，忠孝列首承聖賢，禮義切汗敦古訓，嘉言馨香萬古傳。

又詩：明燈慈航指迷津，寶鑑醒世勸果因，閱驚觸目獨處坐，回頭苦海悟前身。

聖示：老衲降鸞特爲《明燈寶鑑》天書乙部作序。

嘗思不教而殺謂之虐，不戒視成謂之暴。聞古而今，俗風相若天壤，遐哉也稱堯舜禪讓之盛世，近也觀爾難見忠臣孝子，卻聞弑親逆母，獍狐者城巷滿街，朋比爲奸，陽奉陰違，此等倫理已喪，何嘆欲挽頽風者爭相奔告，善組宗教。邇年來天門重啓，鸞堂迭建，斯乃天運之勢，今護國九重宮中孝堂諸生不忍孔子血廢弛，請乞著書蒙天垂照，天纓賜書名曰《明燈寶鑑》，雅名頒世，盼爾士農工商並及官宦軍民，聞書醒悟回頭，捧寶鑑猶如珍珠，絲毫莫敢以輕心，切勿心生毀謗，棄如敝屣。是善者精勉奮勵，是惡者奉爲規臬，如是成效斯可達平樂之境，值著書前夕俚箴數句，爰之爲序。

濟公活佛 降序於護國九重宮中孝堂

天運辛未年十月初一日

明燈寶鑑

忠部

護國九天宮忠孝堂 印行



第一章 忠臣之道篇

護國元君 九天玄姆 降

詩曰：道生天地無始終，君臣無界守中庸，

古注千賢百聖業，守正執中幾時同。



天地立道，人所由也；萬古綱常，人之行也。其道宜論於世間，不立異風以惑人。當以天下之正道立國而治民。盛古之時君聖臣賢，君使臣以禮，臣事君以忠，君見臣過，必當以禮教之，莫使虐殺臣；臣見君錯，亦能納善忠諫，莫與聽讒言，如此君無戲尊，則臣無虛貴，君臣和，上行下效，必可興國安邦。

所可憎者，君之耳目肱骨，讒言獻媚，雖自謂竭力盡忠，卻暗裡包藏禍心，巧詐私偽，亂朝綱而罔顧；更立新法，虛盡臣職，實誤國而禍國。忠君之臣，必心正方剛，縱面諫反惹罪魁，誠謂遠君子親小人，奸臣佞尚雜於其道，社稷何免顛危之禍？

蓋人生之大節，惟天、地外，以君之節居親、師之上，君為國首，視國之盛衰，民之富

貴，端視元首運握策政是否得體，左右輔臣施政是否正秉。故分君職者，必為君分憂，一日居官，盡一日忠職，切不可曠廢。斯忠臣者，心憂國政，常懷社稷之安危。時或國勢危艱，當要成仁成義，國勢孱弱，尤宜安世安民，縱危其身軀，必要瀝膽披肝，莫使畏懼。為奸臣者，雖身披青袍，位列權貴之尊，卻施巧詐偽術，懷叛國心機，暗中勾黨同僚，外聯邪敵。於民不思清廉，常存刻剝之計，飽吞私囊，明瞞暗騙，欺君罔上，實小人奸臣也。至此忠臣奸黨正邪判之明矣！

今為人臣者，在其位守其職，盡己力效忠君，古訓嘗言：「忠臣不事二君」，爾不見董卓之背主，身亡凶禍；亦不聞秦檜之賣君，世世為犬，此佞臣之報有由然也。人臣者低心讀史，驚閱誤國之賊，萬年唾罵，其死也餘辜。故爾食君之祿者，莫忘國恩，切不可懷有二心，而貽臭千古，陷不忠之罪名。

奉勸人臣者，切勿尸位素餐，徒具官名假權，值此國勢危卵之際，必當共體時艱，推賢讓能，共出奇策，行乎職守，效忠以君。生則門閭增無盡光輝，歿則姓氏傳馨香之美，是忠臣者足為惕勵勉之遵行也。

第二章 士忠之道篇

亞聖 孟子 降

詩曰：士列民首率身行，齊家中正居一峰，

忠貞樂道千年在，滿腹經綸畢躬躬。

「士」當幼學於家，上啟致君之責，下操牧民之權，士無可求所謂「忠」，亦何有不忠之責。然士為民之首，其行止當為民之表率，躬首聖賢書當學聖賢事，所謂「行己有恥，使於四方，不辱君命。」從官者，學政於國，飽腹經綸，上體君心，下拔賢士，科舉選才必擇忠心耿正之士，莫以利惑心，貪金受賄，廉恥之道當勝貪財之得，所謂舉一賢即興一日之治，拔一佞即壞一朝之綱。凡學政者，受任此位，尤宜慎行盡職，是故君子教化之道。

誠謂「士」幼而學之，壯而行之，身正教化之責，勤訓家庭，足可父慈子孝，兄友弟恭，夫婦義順，所以必以正言正念，效堯舜之世風，隨時隨事，藹然有勉。有者愧居「士」之名，放僻邪侈，貪一時之微利，遇割枕休書，輕易繕離書稿，代別紙書，已有愧「士」之明也。而有者士紳，見土地買賣，欲為侵占，圖利於己有。遂恃筆墨之才，逞口舌之利，濫



交結之廣，挾無敵之能，欺老弱婦孺，騙盲丁懦民。此為士者假以多學，仗以巧智，惑鄉鄰於懵懂，其心可誅。

況「士」承教學，於聖學有繼往開來之任，於主家有西席之尊，於門第居君親之列。既以傳承子弟之責，當以訓導孝悌忠信，陳說禮義廉恥，繼往聖賢大道，此乃西席師道本份。倘未盡職，誤人子弟，已屬不忠。然竟有狂妄之徒，略識全無，轉農改藝，謬承西席，圖貪俸利，學未以精，半知略通，任子弟放縱其身，嬉戲怠惰，教以謀利求名巧詐之技，綱常倫理閉口隱言，此師道未盡闕職，更屬不忠。

甚有士紳，幼習訟棍，出入司法，上結官長，下結書役，恐勒鄉庶，藉端漁利，賄貪酬金。遇有貧弱愚懦，伸冤難辯，苦情難訴。究其因乃士紳小人從中作梗，其奸惡之心，不可無恥。昔古於今，身為「士」者，理應公正清廉，助民察隱，此乃士所為也。

吾奉勸「士」者應正其心，立其志，誠正修齊，振聾啟聵，維綱植紀，移風易俗，顯道而忠在一鄉。切莫雪案芸窗，而沈志於風花月露；學識不求，而技精於覆雨翻雲。忠恕之道不求，三省之學不講，既未能盡己之忠，以徒增「士」為民首之義，倘難以正行，民風損矣！今為「士」者聞此大道未行之際，能不奮起而淪為賊民乎？宜慎行之，亦不愧為「士忠」之道也。

第三章 農忠之道篇

南丹紀壽 赤皇炎帝 降

詩曰：隴畔稼穡勤耕田，農忠已事播種先，

利國福民安本份，莫道微卑棄休耕。

蓋！農為資生之本，上至君王，下及庶民，皆以蠶為衣，以農為食，所謂「國以民為本，民以食為天」。溯往古之后稷教民稼穡，勤耕播種，民之歲歲，穀倉滿盈，豐衣足食莫有匱也。所言「三年耕必有一年餘，九年耕必有三年蓄」，是農者循天之時，應天之氣，勤之以耕；加以春播、夏耘、秋收、冬藏，節氣有序，穀倉滿盈，農民不飢不寒，享庶富之盛，乃農者忠於勤，換來之所得。

試問：農者焉談忠或不忠否？忠心乃堅守本職，若庶民能盡乎本份，是為忠道。今之農者已非昔日之忠農，每受時勢潮流衝擊，誘以投機，習以染之，遂虧乎本職：縱有良田百畝，卻怠惰四肢，四時荒廢，任其雜草叢生，肥田成瘠，不務本業，反道一心效法商家，日進斗金，月入暴利，而自甘墮落。殊不知人間百業，各謀其位，各盡其職，勿慕奇贏倍利，而好逸惡勞，輒改故業。語云：「象因齒而焚身，人為財而失德。」富是人所盼，財是人所好，然棄守本業，另闢邪徑，實難以財銀隨身。



古時四民之序，農居次之，當知民食五穀，農養百民，為農者莫輕而棄之本職，有謂：滄海桑田，有逆難料；人情天理，終有循環。人之欲其富，悖人永難守富；人之欲去貧，力田不患終貧。雖曰：上仰可事父母，下俯可養妻兒，若能勤耕持儉，富必可臨身，財亦能入庫，天下事惟勤能補拙。今之農者倘能謹身節用，日久必可揚慶門風，庭耀生輝。

且觀天下各業，生息取利，莫農為最。試看粒種下地，萬粟可收，以農為生者，切莫不知珍惜，反自恥其微賤，而視農為技末生涯。竊思！古之大舜耕起於歷山、伊尹受聘於莘野，陶潛解官隱於田園，古往今來，成於大器者，起於畎畝之中比比皆。故農者切勿謂名居人下，而自畏縮。所謂國之邦本，以農為根，惟今國家居於仁政，施以耕者有其田，廢土地私有。縱是富者有田數甲，亦須定時勤耕，或人力缺乏，亦雇以佃農代其耕作。雖此東田委於佃農，卻時而易見，佃農不忠於東，竟私飽腹囊，串通奸商以劣品代優，從中梗利，抓斤偷兩，秤斗不公，欺東家於不實；甚者利用天災水旱蟲蝗之際，巧作手腳，賺取額外佣金，減少田賦之稅賦。故為佃農，耕人田地，必當忠於東家，誠實守信為宗旨，是農者忠之本也。

農者雖言靠天成事，日出而作，日落而歸，寒暑交迫，苦辛莫為人知，其視五穀應較常人更惜之。實若不然！今之農者反視五穀為俗物，剩餘穀物殘渣，隨雞豕而踐踏摧殘，毫無痛惜。試思，天生萬物以養民，粒粒米穀皆辛苦，稻梁菽薯實為救命金丹，倘若棄如敝屣，有違天地之太和，恐遭天懲。故盼斯世富貴貧賤男女老幼，群相勸勉，皆能惜福珍惜五穀，為農夫者盡己職份，素農位行乎農事，則農忠之道亦不愧於民耳。

第四章 工忠之道篇

巧聖先師 魯班 降

詩曰：工藝巧奪唯精勤，忠己不欺通民心，
準繩依法照規章，民富國亨賴工精。

天地生人，貌相懸殊，富貴貧賤，自有高低，縱天賦靈智，當各有所長。昔古至今，士農工商皆為立國之根，尤以「工」之一途不可欠缺。自古帝王治天下，列六官分職所司，其上以資國用，其下為民情資生之據。古聖立法工事作為準繩，凡營立造室，造製舟車，必從繩依法。反觀現今百業俱興，為工一日者，當盡一份心力，忠於雇主，盡職忠心，效其主家是為君子生財之道；倘若背主謀私，貪利微財，小則貲財鼠取，大則財物狼吞，心生謀叛，盜用公款，陽奉陰違，斯「工」者昧己欺心，實屬不該！

邇年來賤工倍出，包藏私心，承包工程竟暗通官商汲取盈利，偷工減料，未依藍圖章法施工興建；工夫草率，基礎不固，日久必牆坍塌，磚碎而瓦解，實一人貪利，萬眾遭殃。



甚者，乃造淫器以惑人心，炫異務奇，傷民於無形，心術不正，終將難逃天網之恢恢。

沉觀斯世為工者，其技全無，違背先聖規矩準繩，擅改成器之具；喜新而厭舊，圖沾口腹之需，毫無片長可錄，行事草率，竟自詡為專家，技術欠精，尤弄誇於人前，縱僥倖成名，實欺人而自欺。為工者雖屬卑微之身，然行事立身，尤為斯人所敬重，百般工藝，尚須日月累積，耗盡心血，勞神勞力，琢磨鍛鍊，始有成碩。尚若自怨自艾，心棄微陋之身而巧詐虛偽，縱有藝成，切莫藉藝技之名，憑仗金錢揮霍於花柳之叢，秦樓楚館誤認逍遙之所，歌舞酒榭謬託為溫柔之鄉。甚至呼六喝三出入賭場，債築高台，竟鬻妻而棄子，卻上不仰事父母，下不俯養妻兒，空費門閭之望，其罪雖能逃陽世之律法，陰律恐難躲避。

奉勸身為人工者，忠誠於己，效命於主，方寸為守，謀職貴在於一點忠心，無愧於心，不分貴賤，皆以份內事自責，非份之利莫取，不義之財莫貪，爾等縱是貧困，勤勞補拙，必也後代發跡成富，是乃工忠之道。

第五章 商忠之道篇

南天 文衡聖帝 降

詩曰：商營貨物巧鑽研，偽品謀利費心田，
欺心昧己童叟騙，陰鷲虧損災劫連。

夫！天道循環，隨心所轉，人心正則行舉當以順天，必然獲天賜福；心不正者，其行為必也違逆天帝，禍當自招。斯世之人，心懷異心，人各其人，不外昧己欺心。其四民中士農工商，尤以「商」者最為失忠，何以言之？商場之交，貴在公道，童叟無欺，手藝營生，當中和而取利，心存正道，所行必可坦途。所謂「君子行商，取之有道；小人行商，得之無道。」既行商作賈，待客迎賓，貨真價實；近者悅，遠者來，買者歡心，賣者稱心，兩者皆大歡喜。財貨相交，若人重出輕，大斗小秤，以偽雜真，陰圖厚利，欺吞微財，包藏私心，流通之寶（錢）佔為己私，其心可憎！

今商場林立，奸商百態，屢見不鮮，真誠待客者實難見之。重利輕信，巧詐奸商有如過江之鯽！暗笑鑽營，盜謀營生，無非添增富貴。甚者暗使喪天滅理之計，斗秤不公，既貨物





買賣，量時值，校本金，定價出售，秤尺斗量，切莫刻意高抬時價，升降無常。只顧獲利多少，不管喪盡天良，信口而道，欺懦愚婦，用盡千般伎倆，詐騙童叟，縱爾財金千萬，肥潤己身，亦不過幻夢泡影，其奸詐之心，神人共誅！

細而推之，藥商富賈，常以劣偽真，和灰成丸，質劣品雜，竟高價易賣，妄出蠅利。甚有生熟倒置，真偽混淆，欺瞞愚眾，留真貨私享，罔顧命重千金，只圖田置萬頃，其行恐損陰鷲，當鄙棄之！有者金銀製造，以假亂真，其「義」何存？種種非為，已失商忠之道，其後足以堪憂！

更有從商者長年累月，異地走商，遂亡商恥。不記父母之飢寒，遊走煙館，罔顧妻兒之凍餒，夜宿娼寮，故作巨商體態，貪杯好賭，猶忘子孫禍福。今既為商，徒求罔利，以賤為貴，失卻公平之交，欺道之心時起，顯昭昭之報應，絕煙斷嗣，非天心不慈，實人自招耳。故生雖為首商，死卻成陰府罪魁，前車不遠，後車可鑒，從商者能不警惕，忠於己心乎！

第六章 忠僕之道篇

護國元君 九天玄姆 降

詩曰：事主忠僕奉善行，僕忠肝膽義非輕，
誠恭敬職心無愧，鞠躬盡瘁耀門庭。

夫！忠僕事主，猶如忠臣事君，所謂使臣若不忠於君，則為奸臣；僕若不忠於主，則為惡僕。忠者忠心，亦是不二心也。凡爾事主必忠心耿正，抱以不二之心服侍主人，守其本職，一本初衷。主僕承襲古往之禮，兩廂情願，各盡其事，亦理所當然。反觀現今鬻罵文明盛世，富者以雇金徵僱僕役，供其豐裕生活，身為僕者自甘為其奴從，朝夕受主支喚，此亦職份所當。

然！世有變遷，人心漸損，抵見身居下僕，未能真誠事主，忠心奉之，竟敢一昧窺視主人財富，貪金暗藏，或奉主命買賣謀為，不以忠直而欺罔漁利。既入主家為僕，縱使主人心窄不仁，為僕者亦不可有所怨言，素行怠惰，屢教不聽，物件飲食，均宜節儉謹收。雖受其虧，總宜竭盡其心，忍辱為是，怎可懷恨瞋心，昧己良知，陽奉陰違而施譎詭之術；以小人



之勢作祟，煽動同事僕丁，造謠生事，抗衡主人，提非理之求，其奸詭狡狴令人髮指！

更有僕者待遇未能稱心，職行三分，所求竟高於七分。殊不曉身為僕丁，必也前世之業，今生之報，命運作弄，切不可怨天薄命，自棄自艾。為僕者居處主家，必為主和睦骨肉，倘藉機報仇，搬弄是非，造謠聳言，東說西唆，致主家骨肉相殘，口角成忿，絕言語往來，其行已失僕者之中心；今日挑撥主人，將來身當受病疾之災，身為僕者不可不慎。

今為人之僕既是服侍主人，必循分盡力，雖屬卑微之軀，若忠心護主，爾後必可子孝孫賢。人居天地，天律無私，惟德是輔，一心忠耿，蒼天昭昭，福德當可報身。是故為僕者應曉忠僕之義，當一日之僕，善盡一日之事，倘若表裏不一，口是心非，甚至將主家內事醜聞外揚，任口彰傳，小則影響主家名譽，大則招禍及主，如此存心不忠，是為惡僕。又有主人念僕忠厚，信心不疑，委任顧幼主起居，是真忠者，必能一心一意調持幼主。有者主人早逝，遺留寡妻幼子，是忠僕者，必能誓死護其遺眷，是假忠者必是假藉主人之名，隨處盜領票款，窺竊財產，棄其遺眷而不顧。

試問爾等僕者良心可安，天理何存？今若是不盡忠職，生可逃陽律之法，死後恐難逃陰律制裁，盼爾身為僕者應力行忠道，引為警惕。



第七章 差役之忠篇

濟公活佛 降

詩曰：公門修行佈仁風，差吏守法佑賢宗，
賂欺嚇詐顛民意，折壽消福欺自凶。

嘗聞差役為五毒聚會，曷為乎五毒？瞞官欺剝一毒也；假官嚇詐二毒也；聳官欺民三毒也；養賊留窩，聳賊誣扳四毒也；聳主訴訟，挑唆株連五毒也，以五者之毒而毒民，民無不受害，五毒既生乃戕邦之本。

今既為差役理當盡忠職守，為民謀福，與民伸冤。然世俗賄賂之風遍佈，所謂「同流合污」貪賄成習，清廉差役希如牛角，能知恥，尚廉節者，亦鮮矣！

差役者為官長奉派調查民意，深入民情，為民解苦，故為民承冤告白之橋樑。既任公僕知法犯法，暗通司法，剝削民生，榨取百姓酬勞；其心不忠，上欺官長，下嚇百民，其心可誅，實難逃天律制裁。試思：高塚墳塋皆是役域，輪迴畜道盡屬役身，爾等差役能不警惕乎？



雖爾差役溝通民情，循法公辦。然有者竟存欺盜之心，奉令持票搜民，利用職私，公報私仇，剝民財物，權勢壓民，耀武揚威，挾天子以令諸侯，致民驚嚇而怨官欺民。亦有以公職之身，假持簽票，貪財欺民，於聚賭抽取盈利，或假以公權私設娼妓而自甘犯法，欺民愚知，豈不自欺欺人，實乃不智之舉，雖為差役能不潔廉自愛否？

試問差役者，既入公門，必當服務人群，為民解憂，在其位素謀其位。倘居其職，不忠於職，奉令執行公務，期限有定，陽奉陰違，拖延時效，藉故唆民酬金或謀私貪利枉贓私法，窩藏嫌犯，隨意妄拿，貌似頂替冒名，誣陷善良，欺壓百姓，濫用職權，爾等行徑已失公允！其為差役亦是地方保母官，理當為民喉舌，福利百民，為此自可廣積陰德，福蔭子孫。今職司所在，應遵法令，切不可謀私叛變，榨民血汗，倘能忠貞有節，爾等身後百年必得馨香美譽，萬古流芳，光宗耀祖，是為差役之忠，謹以為勉。



第八章 書吏之忠篇

金關上相諸葛武侯 降

詩曰：書吏莫言違心論，曲理旁岐假真行，

吹牛拍馬遮天地，孽鏡臺上夜叉迎。

自古而今，書吏者乃侍官隨從，行止任官調遣，求忠則如人臣之事君。其所謂「忠吏」必以傳達官長令諭，盡忠職守，上尊官令，下體民心，解民苦衷，其職非輕，切莫不以為然！爾等書吏身任要職，食君之祿，必當分君之憂，忠官盡職；遇世人有弊，理應速速解遷，切不可厚斂多藏，強求過取，瞞上欺下，陷官虐民於不仁。是故臣之不忠，亦同不忠於君，吏之不忠，則不忠於官，且不忠於國，其不忠之罪豈能逃乎？

古諺云：衙門深似海，弊病大如天。又云：衙門八字開，有理無錢休進來。倘若為書吏者，恃通官勢，欺壓鄉民，詐索民財，受賄而貪金，狐假虎威，未能謀福百民，體恤民情；反探民隱私，真實不報，假以形式文書，欺朦官長。如是行徑，豈言便民利民，為官長解勞？而書吏有更甚焉，私吞公帑，廉節不存，瘦民而肥己，其罪可揭。行已偽公，不忠於



職，既虧職守，一爾所受之報，當承受天律制裁。

蓋聞天道無親，惟德是輔，書吏既曉此義，必言以愛民，諄諄告誡，行之以忠，切不可變本加厲，混亂是非，而上矇官長，下欺民庶。或於聽訟之時，以言語字音之異，從中添改口供，轉移曲直，賄受酬金，不體官長清慎廉德，致使百姓誤受冤刑，有者無罪反成誣告；有罪作奸犯科者，暗通司法漏洞，以金賄官，有罪竟成無罪。亦有書吏身擔使節文書，國家軍機要務操於手中，若忠職必謹言慎行，倘瀆職必宣洩成河，口無遮攔，走漏機要。爾等出賣國家、私利圖己之奸逆使臣，其心可誅。

近觀目前輔佐徵驗傷亡之書吏，顛倒真假，圖民厚利，誤民雪冤，憑口謬造，欺心敗德，輕者害民家破人亡，重者草菅人命，此舉又有何公正律法可言？試問：謀人職盡以日忠，且來為民公僕，反人面而獸心，陷民於不顧，居心叵測，實禽獸之不如也。

故奉勸一爾書吏者，必親民愛民，輔佐官長解民之憂，拔民之苦。欲訴訟理應極力查清，切莫含糊籠統，便民含冤莫白。今既入公門謀職，是前世積福所修，倘能盡忠，為民喉舌，必可積德於後代，馨香美名留傳萬世，宜謹慎引為惕勵！



第九章 忠誠順天篇

南宮孚佑帝君 降

詩曰：天覆地載本無私，日月忠誠復何求，
萬黎修身勤培注，順天民心永長留。

夫！天覆地載，人居其中，位列三才。同沾化育，萬物滋生，惟人首貴。受天之寵，浩大無極，而人不思以圖報之。蓋不知天杳冥穹窿是其體也，蒼蒼涼涼是其形也，日月昭昭是其光也，春夏秋冬是其令也，寒暑推移是其信也。無天之化育，以長養萬物，則地道難成，人何能生哉？天無私覆，放諸六合，有忠於宇宙，護民及物，眷其百民；施澤潤物，天心順應，民賴以安，爾言此是忠或不忠？

有謂天如父，民其順受，彝倫勿失，人道乃全。自古忠孝本是男兒之事，於家盡孝，為國盡忠，誠謂「忠臣出於孝子之們」。忠之為義，盡己之心；中心之為用，委執其誠。父子列為綱倫之首，不見父順天心，何來見子效法於父志？

天地無私不負人，奈何今日世人無法無天，顛倒常倫，棄三綱廢五常，視雙親如陌路，



紊亂天秩，當手足為仇讎，君臣禮廢。提倡夫妻自由，男女齊平，亦有非親不孝之舉，父子平等之說，人心放肆至此。歐西禍水張狂，民心腐朽，釀成禍亂危邦，天之柱倒矣！

且夫天理難測，天道難言，天理何其大，無所不包，無物不俱。當以忠孝為齊家治國之本，所謂「人人盡孝，家齊俱備；人人盡忠，國定祥和」。斯民若自喪天良，不懼天怒，肆無忌憚，做事猖狂，忠無半點，認賊作父，言行乖忤，身心已邪，正氣無存，既未能身修家齊，又不知忠己親民，如何立足於天地？倘人不循天理，背天逆地，怨天尤人，訶風罵雨，唾星指霓，荒謬狂悖，甚有夜起裸露，對北行淫，屢觸神怒，穢犯三光（日、月、星），言不信神靈，行逆倫之事，當知行善福報，作惡禍臨，如影隨形，豈虛謬哉？曾問人作孽不可追，天作孽猶可違，世人於天地之中，既不信因果天理，遇雨暘失時，釀為沴厲，旱潦飢饉，非天之不仁，實人自作孽，咎由自取矣！

爾等世人讀聖賢書，所學何事？盡孝忠誠，無愧於世，知天理，明忠誠之道，乃順天之行。若刻刻謹慎，惕勵驚惶，慎獨自居，朗朗乎青天，善事力為，惡事莫作。當知行善有如冬嶺之松，經霜雪而不改其節；作惡如同春園之草，遇旱乾而難得其生。君子光明磊落，節氣如竹似月，雖死不渝！葦竹甘受風霜之苦，畢生皆節，天理良心宛如宇宙之輝，不甚貴乎！縱丹青未能揚名，必也集成化世功名，永昭千古於後世。

第十章 戒訟忠民篇

先天豁落靈官 王天君 降

詩曰：爭訟終凶禍罪冠，津法公庭莫惹先，
勸息事端行陰鷲，和貴相安免憂煎。



夫！天下事最為慘禍多端，致使妻離子散、家財傾蕩者，莫若訴訟一途。古易云：「訟則終凶」，聖人嘗發無訟之語。時至今日，閭閻無寧，於訴訟者如過江之鯽，一紙入公庭，勝負不由知。更有財勢相當，彼我（被告與原告之意）雙方，出資聘賴訟師（律師），對簿公堂。倘遇忠貞清官，則社稷之福，百姓之幸；若遇訟串聳官，則非百姓之福。法庭吏胥差役，未必公門修善，縱不言錢，偶為勾當，吸榨民財，求索無厭，其忠民之心蕩然無存。

所謂民事以和為貴，最忌訴訟。今民有爭端，身為訟師，有者不以雙方調解，平息紛爭，反鼓風弄潮，無端而播浪生風，平地起峰煙，如此顛非倒是，明為竭忠愛民，暗則剝削財產。倘問彼家富有而心生貪賄，此尚不論，若遇家境清寒，三餐難繼，何來銀兩禮聘訟師為其辯論？甚有故延要案，臨審無憑，有理而受屈，此等是非不辨。吏役訟師莫不汲汲於惟利是圖，惟財是索，陰謀巧計，愚者受騙而勞神傷財，廢業失時。況當勝負未分之際，提訊

未定，一人到庭，闔家惶恐，此情此境，如犬之逢虎，四肢難動，其咎由自取，好訴訟之因也。

人云：公門法庭非好地，仗勢爭勝損福德。逢事忍耐必可化凶為吉，倘若彼方略勝一籌，則敗方必忿恨難消，氣焰難平，財失家亂，訴訟亦輸。試問：爾等若爭產而訟，則骨肉殘傷；爭妻妾而訟，則婚姻醜播，不勝所失，倍於所爭。訴訟者豈不臉上無光，祖先汗顏，近親遠離，家破人亡，實是迂愚之見。凡智者必戒訴訟，離是非，古云：「冤家宜解不宜結」，怨深必禍子孫，此意引人深省。善訴訟者，必曉前車之鑑，切不可踏入非途。

嘗讀古人戒賭條目：一曰壞心地、二曰耗貨財、三曰傷天倫，好訟者亦然。試思訴訟自古聖人皆戒之！好訟者用盡心機，好事逞先，徒欲以氣壓人，倘若敗訴則忿恨燃熾，善用詭謀以求必勝，此訟足以壞心地。訴訟既爭勝負，乃用心思，爭權典當，茶坊酒肆，揮霍金銀，暗通訟師，以贏此訟事，此訟足以耗貨財。天親至愛，父慈子孝，兄弟弟恭，只因訴訟反目無情，手足相殘，夫妻離異，子女流落異鄉，朋友親屬因訟背義而相怨，此訟足以傷天倫，此能不慎乎？

今聞從事刀筆之徒，百計刁唆，差役訟師之輩，非忠民助民，乃濫用權威，挑撥雙方，間隙生事，無知民庶迷失愚痴，受其訟師聳言，大作文章，暗加訟詞，造成名聲損譽，實是鸚鵡相持，終為漁翁所有。奉勸爾等民庶，爭訟是敗家之根，亦是破財之基，若能和睦融處，必可家家光耀，戶戶生輝，語云：「告人一狀，三世冤」。縱是觸犯國法，亦有陽律制裁，且幽有鬼神，終難逃冥刑果報，故好爭訟且為訟師者，能不以為誠惕乎？

第十一章 醫卜之忠篇

金關上相 李白仙翁 降

竊聞神農嚐百草，製醫典，救人命於燃眉；黃帝著方主書，製湯藥，濟民生於壽域。古聖明君愛民如己，視民苦疾而憂。古風習俗，善以效天，德風普被，患病症鮮矣！

觀今世俗，通醫術，精脈絡，濟人救民者，聊以指陳。或問貪金利賄，吸民脂膏實多為庸醫者流。岐黃之術略曉，察病不知寒熱虛實，用藥不識佐使君臣，脈理默然無知，視人命如草芥，醫德廢失。有者變本加厲，通奸藥商，以偽而雜真，祇期利獲倍蓰，或以生作熟，欺主客於不詳，亦有以三稜假川七，穀米混珍珠，以假換真，騙愚民之無知。藥商一本萬利，暗施手腳，夥同藥舖賺取非法，爾等竟以此僥倖得財，貪厚利以肥身。

斯輩醫者視利為先，藥性不辨，方書不熟，便自詡為名醫妙手。甚有藥舖徒輩，抓藥幾年，未經考核，賄以金錢通買藥醫執照。試問：醫德何在？天理何存？如此藐視眾生軀命，雖得暴利，亦如烏鼠食油，不過眼前之樂，又何苦孽民害民哉？凡為醫者，中西皆然，「望、聞、問、切」謹慎為懷，對症下藥，勿計財資，以寓救人急難，行醫之仁德，何患不子貴孫賢？倘庸醫藥商者，未精其術，佐以假料，失其醫德，是不忠於民，亦失忠於心，豈



能逃天眼鑒察，故為醫者當以此而自警也。

嘗思六十四卦可通吉凶，人列三才禍福難卜，既非聖非賢，更難闡其玄奧，何況天數吉凶莫測，豈是人可妄猜瞎言？曾有素習星相卜命者，談天說地，炫奇誇異，評斷禍福，卜其吉凶，或是抄書斷章，豎立旗號，大言張口，鐵言直斷，慌唬禍難臨頭，當費貲破財消災，趨邪尚異。每自詡曰：論命則逢沖，危言聳聽，駭人驚恐，惶惶噩噩，任隨卜士，大開銀兩，爾愚夫愚婦竟喪失理智，被其所迷，受其擺佈。失財騙身者有之，傾家蕩產者有之，夫妻不合者有之，暗中罪魁，造端禍首乃星相卜命者。

然大抵今之俗弊，在於世人片善弗積，才德未存。或因家門不遂，身體欠安，偶因財運不順，兄弟鬩牆，不歸咎於運途之偃蹇，反疑鬼神之擾，聽信於卜命卦爻。殊不知移凶化吉、祈福邀祥是善有餘慶，命操於己，運雖難以預卜，若能勤善以積，眾善奉行，縱己未得福澤，其陰鷲當遺於後代子孫。故欲聽相士言，不如勤以積德，切不可盲目聽其讒言，左右心田。

勸爾從事星相卜命者，致力推斷吉凶，倘遇人之厄，化人以改過遷善，離惡修身，見人有難，報以正途，種口德於無疆。若是圖詐微利，好斷隱私，離人是非，挑釁煽動，得其不義之財，則陽律雖難刑罰，追至惡貫滿盈，陰律無私，必治其罪。深願為命卜者，切莫以身試法，當要撫心自問，勿如斯之妄作，而獲罪於天。忠於良心，謹記慎行，是卜之忠也。

第十二章 師儒之忠篇

大成至聖先師 孔夫子 降

詩曰：繼注開來責匪輕，傳道解惑維慇勤，

儒子學文忠孝事，師教誨訓滿芳庭。



夫！大道之存亡，賴斯文之振興；學子之成敗，端師儒之功過。古三代儒師隆盛，作育英才，承先啟後，繼往開來；是故聖賢輩出，民庶得受啟蒙，面命耳提，皆沐春風。時以禮義傳授，修身齊家，必也兄友弟恭，父慈子孝，乃師儒開導維殷，教之有方。

近代，罕觀儒師全心教授學子，每炫異而矜奇，抵聞其高談謬論，揚歐美邪風，鼓吹自由，男女戀愛，怠忽德業，不離不琢。甚而罷黜四書孔孟思想，貶駁朱註，視科學為能事，既無忠孝之念，又豈能身為杏壇師表？倫理綱常賤若敝屣，仁義學說輕若陌路，三綱五常拋卻腦後，本末倒置，民族文化亦如磚牆瓦礫，推之倒矣！

今學子乃社稷棟樑，亦是民族根苗。倘若任其失調灌溉，寬縱生徒，負子弟可造之質；腹無點墨，沈聖賢不白之冤。未能紮根穩基，亥豕混淆，顛倒詞旨，誤人子弟，貽害世風。試問清夜自思，於心安否？學子何辜，輕易受庸儒俗士謬言離經叛道之論，豈不假仁賊義，

誤已誤人，而損社稷之資才，令名教辱污泥塗？

嗚呼！自古及今，為師者必以傳道、授業、解惑，責其檢束，導之習禮，以肅其威儀；諷之讀書，以開其知覺。而身為師儒者，應以振興儒家綱常為首要之方，為國育才造士，挽孔孟之狂瀾，時加精心訓誨，切勿推卸責任，倘慢不加意，任其怠終，日復一日，不離不琢，任學子安閒放逸，實引為憂。

為人師者當承繼往開來之責，啟學子修身之義，誠謂「志於道，據於德，依於仁，遊於藝。」是師者忠誠教化之本。無為當今之世，文風丕壞，人事變遷，功利充斥學子，經術終流於匪僻，舍重圖輕，務末忘本，安望成材子弟，究不知其所教者何行？甚聞為人師者，竊盜文教之名，逐日浸淫聲色舞榭之所，共攀花柳之叢，終日昏蕩，己身不正，讀聖賢書所學何事？既有負師儒之職，已獲罪於古聖先賢，學子近墨者黑，習得驕淫矜誇之事，教不嚴而空負時日，未能振聾啟聵，道義貌弗操存，於今廉恥喪失，則恭有為師之名，而無為師之實。

縱爾學子幾經雕琢，若無良師從旁指引，豈能繼其聖賢遺典。所謂惟木從繩，每勞雕斲之力。故為人之師，身謀師職，必負起學子明道修身之責，切莫託經史而妄加品評，藉詩書而別開論說，挾授功利之脅，顛倒儒宗思想。試思：進以禮，退以義，傳忠教孝，皆不可忽之事。今忠於教導，必也薪傳有目，循序漸進，誨人不倦，勿引學子之不正，而誤入邪途，此已失師儒之忠。若不引為警惕，自然受其果報，絲毫應驗乎！

明燈寶鑑

孝部

護國九天宮忠孝堂 印行



第一章 行孝養親篇

端木賜 子貢夫子 降

詩曰：父母劬勞德如天，三丰宰撫實堪憐，
五載六冬眠難穩，七八送子學古賢，
養子承歡貼親顏，膝前活佛報養恩，
切莫恃逆高堂前，陰津無私澆油前。

竊以羔羊跪乳，知養育之深恩；慈烏哺親，報生身之大德。彼飛禽走獸尚知養親，況爾食粟服冠之輩，豈能忘本，棄親而不奉養乎？獨不思父母愛子之心，親養子女深憂恐懼，時以體察飢寒，含哺懷抱，萬惜千憐，笑則為之喜，啼則為之憂，心力俱瘁。如或疾病顛痛，則寢食俱廢，僕僕勤勞，遠近遍訪良醫，朝夕叩求神佑，為子無嫌苦楚。父母之德，實昊天罔極，此等親情為人子者能忤逆否？

今身為人子欲報親恩於萬一，自當內盡其心，外竭其力，以勤服勞，切莫誤認雙親養子供學是當然。試思：雙親終身年華歲月，付出心瘁，劬勞辛苦，終望子成人，而耄老春秋亦



如瓦土冬霜，紅日幾何？身殘憂苦，祇冀子能晨昏趨侍，養老終身。所謂「養子防老，積穀防飢」，親淚乞憐，苦難言罄，真如風中殘燭，壽年無幾，斯時景況慘何可言？

近觀世風忤子奸徒，違逆雙親者多如毫毛，人子者不孝其親，與禽獸何兩樣？

屢來人心澆漓，孝道衰微，親殘悲苦，垂老無依，寄人籬下，形影孤子，歲值暮年，而人子者置身事外，猶無心於奉養，竟忽意於報恩，虧食人間五穀，身著衣冠畢挺，噫良可慨矣！爾等若為人之父母者，亦同若舉，則世寰已絕人類哉！

聞言藉口家貧，境迫艱難，無力奉養，視親如袱贅。奉勸人之子者，侍養親顏，孝以真心，縱貧而無怨，莫虧子職，雖菽水承歡，布衣蔬食，亦喜悅滿泣。若於生前未能及時孝養，至親歿修齋設祭，泣拜靈前，備盛牲牢，不過掩眾人之耳目，自欺欺人，猶難慰親於黃泉。是故為人子女，遇親容必和聲悅色，孝養膝前，效老萊戲綵娛親，行終身孺慕，學大舜之孝行，無忝爾所生。

今之行孝不及古賢，願爾世人勤讀孝經，古時王祥臥冰，孟宗哭竹，此等孝風已蕩然無存。聞此孝道衰微，鄉愿之賊徧趨流行，當以克敦子職，莫待風木傷悲。所謂子欲養而親不待，此生報恩已枉然！而徒背千古罪名。誰非人子，誰無父母，終身不倦，聊報劬勞之德，孝行無虧，後代美譽馨香傳為佳話，勉而行之。

第二章 誠身順親篇

宗聖 曾夫子 降

詩曰：誠身忠恕德厚寬，順親無違易色難，

敦仁教義行孝事，束己修身澤鄉歡。

夫！人之有身，縱天之所生於我，實親之養育使然。故毀體則為辱親，顯名能榮親顏，若貽憂於親者，罪猶深也。詩云：「戰戰兢兢，如臨深淵，如履薄冰。」蓋言謹身乃誠身孝親之始也。昔孟武伯問孝，子以「父母惟其疾之憂」告之，故親於子者，身擔其疾苦，誠以人子必體念父母之情，保厥其身。孝經云：「自天子以至於庶人，莫不有當然之孝。」今人子愛身則父母欣然，若損體則父母憂傷，既身學於聖賢，行於大道，倘不知父母深望子者成器之心切，由此觀之，則試問：子之所繫是何心矣？

立身之道，存誠為首，誠則不雜以偽，言動舉止自能中規中矩，酒色財氣自當拒之千里。今欲行孝，當盡人心，克慰親意，謹慎省察，莫給雙親憂勞。況成家立業，非此身何以





擔當；承先啟後，非此身何以倚畀。倘未能謹身惜用，巧詐謀私，是屬不孝，天地亦不容，鬼神默鑒，斷然幸漏。倘誠以修身，亦為謹身之基，誠而無偽，求得安心，忠恕寬厚，作事光明磊落，是為君子順親盡孝之本。雖曰：天倫則同，而人情各異，若能心誠其意，縱富貴利達在前，必也善養親心，片刻不敢懈怠。所謂親憂子亦憂，親喜子亦喜，此日無比，歲月幾何，時刻檢點己身，親豈有不欣然樂哉？

蓋中庸云：順親乃誠身之至也。而順者何？順於無形，順於未發。是故親者於子，其心如憂。子者順親實乃天性，出乎自然。凡侍膳問安，晨昏定省，無不彰其誠敬孝親之意，體貼於前，善察親心，一言未出，而子能洞悉其意，此謂色難之處。親非望子極奢雞豚，乃在於是否真心誠以奉養，縱爾子生計苦愁，倘能克盡孝心，菽水承歡，亦是膝下之樂。

觀今世人，盡心孝養順親者，皆是行皮面功夫，竟自言不慚，慇勤盡孝，實貽笑諸鄰里坊。故順親之道，面無問慍怨。承笑於庭闈之中，恭敬親前，當以事事親心為必然之理。若身於富則不奢，身於貴則不淫，身於貧則不諂，身於賤則不怠，時切遵循孝道，戲親顏歡，誠身孝親，爾後代子孫必得饗而綿延不絕。是故誠以修身順親為治國齊家之本，自不可略忽，宜終身奉行無倦。

第三章 敬孝鰥親篇

九天司命真君 降

詩曰：孝敬天地德父嚴，鰥親失偶痛比憐，
比翼雙飛孤獨處，堪問子憫惜憂煎。

竊思！椿樹衰殘，老父之春秋已邁，桑榆晚景，孤獨鰥親，嚴父之歲月若何？父之老耄，實人子之憂。況身為鰥父，枝傷連理，嘆結髮之凋零；鳥失比鄰，哀閨幃之獨眠。老來失偶，尤須慰藉，起居倍切心傷，形單影隻，憂心懷隱，其舉案齊眉今已故亡耳。心切切，念念情，夜半深深，魂戀夢縈，有謂兩夜風蕭，飢寒誰可告慰，孤獨殘身，能不悲哉？

身為人子者，盡心供職，尚恐堂上之失意，晨昏請安，奉養承歡，猶加倍於從前。古聖明君施仁佈德，又必以「孝親」齊家而治國。時至而今，鰥父身殘，雖不求於身安，然心憂孤寂，甚聞爾等子女，飢寒則衣食不問，憂喜則解慰莫知。若能深知親意，時刻不離，探望老耄之求，縱使布衣菽水，意志承歡，尤勝三餐美食，穿金戴銀。嘆！今之世事，孝親於鰥



父者已鮮微矣！聞見身衰殘父，流落街頭，寄居老院。此情此境，孝道淪喪，禽獸已不如。此棄親之罪，難漏恢恢天網，為人子者當引以為誡。

且看古今斷絕煙祠之輩，何莫非因不孝所致，而子道敗壞綱常，甚縱婦者厲色疾聲，喝親不孝，未能關懷。庭闈之地，誰能慰鰥父之心？有如雙棲孤獨，恨感寒林之鳥，悲啼夜聲，鰥親之苦何人能解？是故，為人子者宜多體親恤憫，察其心志，窺其好惡，聞其憂喜。今人子既違父嚴，已損親倫，倘為富貴者轉而貧賤，福祿者自削福德，恐家道不昌，時運不濟，必當捫心反省，於親者可否孝敬？然淒涼百樣，忤逆者多於順親，哄欺者過於敬親。

試問，爾身為人子，有愧於天地，能安身立足於人前否？鰥親父嚴必當深體孝思，細密察微，足可解憂，喜悅於鰥父。勸爾等世人，當思此身何來？即是父養而成，倘拋父棄養，此逆天也。縱萬金富饒，必隨而孤貧，監察天君上奏天曹，扣減此身福報，三尸之神下報冥府，嚴處不孝之罪，陰律森嚴，其能逃乎？蓋罪至不孝，理無可生，遽誅其身，惡猶未稔，所謂天理昭彰，種瓜當得瓜，滴滴簷前水，絲毫不差移，莫視為戲言，宜終身奉行。

第四章 誠孝後母篇

護國元君 九天玄姆 降

詩曰：自古後母難週全，母儀未克實可憐，
生養源出同命脈，切莫忘義自相煎。



人生最不幸之境，莫過於生離死別；最難如願之虞，莫甚於改弦易轍。回憶琴瑟和鳴，喜人倫之闔慶，今則鴛鴦反目，各自東西。倘歲月去之已多，而將來之時日恆少，雖兒媳有依，內顧有人，然床頭少白首之歡，折枝伴侶，而孤鸞獨木，哀哀似憂，同伴難隨，縱後繼有望，只得安慰鰥父之心。

若果青年失偶，離鸞別鳳，幼子無依，嗷哺待養，呱呱膝下，子子孤苦，而年邁雙親尤宜盡孝，同兼母職教養育子，孤身職難全，抱痛俯首，情又何堪？是故不得不琵琶別抱，斷弦再續，其情可憫！然而情緒千般，左思右顧，欲期淑女而良難；養女育男，竊恐母儀之未備。今生母不存，既是嚴父撫育幼子，續弦繼母，以厥盡母職，此乃正當。

沉嚴父獨處之境，身為子者，更宜盡孝。親體父心，思謀父意，今再續後母，無非心掛子女安危，爾等子女理應孝父從母。竊聞蘆衣適體，閔子騫孝後母，而美譽千秋；臥冰求鯉，王祥順母，而名留百世，雖人往風微，其孝行昭昭史冊，顯於人間。反觀今之斯民，背棄倫常，孝風無存，視繼母為虎狼，畏懼疏親，眼中無母，出言相激，惡語相向，歧視忤逆。當知生母是生育之功，繼母為養兒之勞，同為母者，孰何異光相待？如是不孝後母，即不孝其父，父母乃天地，不孝即逆天忤地，是為人子者能不反身自省否？

然有聞為繼母者，於己骨肉，疼惜有加，視前妻後嗣，猶如眼刺，終日惡聲相加，百般凌虐，若果如此，亦勸世之後母，同為教養骨肉，切勿急急相逼，分化父子之情。而為人嗣子，縱後母心殘施虐，亦當以養恩相報，務要喜容悅色，承順其志，人非鐵石，我既善供子職，安能不善用親心，事事相忍，日日趨承。勿以身非親生，而存間隔之想，至於後母所出之弟妹，均同一脈骨肉，手足之間，相安和樂，莫以相戕，此為孝親之本。

今之孝道式微，子孫逆倫，無視鬼神監督。冥冥因果，如影隨形，天律法網，無漏絲毫。奉勸世人，深體父志，孝順母心，雖不求福報，必也子孝孫賢，美名馨香留傳萬世。



第五章 勸婦孝親篇

無極麻仙姑 降

詩曰：天經地義孝為先，婦德三從禮周延，
侍慰翁姑無愠色，孝婦順親譽名前。

夫孝者天經地義，自古勸孝之書，幾不勝汗牛充棟，類皆責及男子，而稍疏於婦女，雖且言男子固當盡孝，而女子何獨不然。常見世之婦人，其在母家，恃父母之姑息，受寵有加，多致嬌慣；偶然斥責，而彼即當前生起愠色；偶而提之，則於背後恆生怨言。獨不思十月懷胎，辛苦鞠養，由幼及長，費盡多少心血，教女紅、誨禮數、說婦儀，無非盼望其女歸宿有人。詩經云：「之子于歸，宜其室家。」若云父母苛責太嚴，豈不枉費父母訓誨之苦心？所謂婦嫁從夫，奉敬翁姑乃爾職，上以博舅姑之歡娛，下以開子女之模範，乃婦道賢淑之本。

觀今婦女行孝者無幾，忤逆之狀罄竹難書，惟知盛妝豔飾，鬥靡爭妍，婦德視若泥塗，賤履廢弛，薄視夫家，欺夫忤父，違母逆姑。殊不知婦人以夫為天，夫子不能親中饋，於是



娶婦以代奉養翁姑，三餐晨昏省安，冬溫夏清，下氣柔聲，問懷寒於日夕，侍寢寒暄，代夫孝親。爾之婦德賢淑，里巷傳為美談，翁姑喜悅歡心，亦謂爾父母家訓有方，增添光彩。倘若貪懶異常，好逸惡勞，未至席前問安，日上三竿，猶安枕蓆，任翁姑空餓飢腸，枵腹以待炊，美食佳羹暗裏私饗，視高堂直同陌路，語譏老邁，致傷暮年之歲月。春秋無幾，桑榆淒涼，二老龍鍾羸弱，泣訴而無由，試問天理何存？遭此逆婦不孝，尤嘆人兒不知父母憂心，抱痛終朝，養子不孝也只好無語問蒼天！故為人婦者，當留心於視膳，盡孝翁姑，有命則唯以對，有欲則奉而進，若一味忤逆不敬，其心可誅！

爾等婦女不孝公婆者，十居八九；歡顏順從者，百無二三；甚有怒獅吼吟，詬誶時間於戶外，脂虎施毒，每每間隙於房幃。亦有婦人恃長舌而為鴟為鴟，結狐群而賭博，拋頭露面，莫懼尊嚴之怒，恃寵生嬌，倚娘家富有，欺侮夫家之微寒，認翁姑如讎敵。身為婦人違正道而滋事，種種不孝之弊，不堪言狀，其行與禽獸何異？

故莫廢坤維而壞巾幗之名，當知賢淑之婦女，深解婦德閭範，曉以孔門之禮，操婦流之節。若目藐倫常，忤翁逆姑，恐遭神誅雷懲。盼爾斯世婦女謹守婦規，遵行四德，洗心革面，痛改前非，而曲全婦道，以顯兩姓門楣，開百代之模範。欲名氏馨香，後代孫賢，爾等婦女者宜深省惕勵奉行。

第六章 闡孝揚親篇


北極紫微大帝 降

詩曰：孝德堅守著善彰，揚親美名孝傳香，
善行讚親積陰騭，子賢孫貴譽飄揚。

古之孝子知親心之所欲，必急行趨前，或食饌或衣飾，喜而順從。觀今塵世，未見人子盡孝人倫，動輒逆親忤父，弑親罵母，此等孝風淪喪，鄰里皆懼惡勢而遠避。蕭蕭雙親遇子動怒干戈，杞人憂天，訴苦而無門，爾等孝道拋諸腦後，焉稱順親盡孝？

古今孝道壞天之別，聞孝道之衰，令神人憂憫，毫無思慮，此身何得？何人所養？嘆今民風，逆子有如過江之鯽，百計貪圖，強佔私取父母血汗之錢。倘遇倆老有不時之需，伸手索費，支一千還二千，逞彼乖忤，明瞞暗騙，使父母亦莫可奈何！此等行徑，豈為人子之舉？亦不思爾自有生以來，全未帶一絲半縷，而衣食、醫藥、耕讀、婚姻嫁娶，所需耗費，皆取自父母之身，今雙親索些微財，竟得子之譏逆，天理昭彰，豈容此輩逞能而無施嚴罰？





夫孝乃天經地義之事，人若失孝已逆天地。詩經云：「戰戰兢兢，如臨深淵，如履薄冰。」子者孝親必謹身節用，絲毫不敢冒犯親顏，此乃孝之為也。自天子至於庶人，皆以孝為本，今人若以孝德，教貽子孫，必當光耀門庭。有謂積詩書以貽子孫，子孫未必能讀；積金銀以貽子孫，子孫未必能守。若能行陰鷲，則必可造福子孫。世人見善廣積，富貴貧賤皆平等，栽種菩提樹，必開吉祥花，善事力行，切莫阻礙。今有人子見親行善種德，百般阻之，每言此身尚難保，豈有閒暇施濟。孝經云：「無念爾祖，聿修厥德。」故爾身為子者，必體親心，讚親善而邀福澤，切勿阻親善而敗壞祖德，宜慎思謹行。

是故為人之子，必廣行一切陰鷲，所謂立身行道，顯揚父母，孝之終也。生就鼎烹之養，歿受誥封之榮，闡揚孝道乃為人子之本份，亦誠屬大孝。奈近來有不孝養者，辱親而損名，欲聲勢以為官，逞奸貪以謀產，剝民膏以恣魚肉，講體面以延客朋，或爭財而訴訟損名。此等辱親害名，陷父母受無窮之辱，爾為人子居心何在？須知夙興夜寐，無忝爾所生，身為子者，謹記孝為齊家之本，必揚親裕後，以孝治家，當可代代興隆，富貴綿長。

第七章 遠孝捨親篇

中華帝君 降

詩曰：遊子離鄉不思回，考道未盡子職虧，
門庭春秋有幾日，望子早歸伴庭闈。

夫謂人子之親，貴在奉養，豈可不盡其力哉？朝夕侍側，冬暖夏涼，及時勤謹侍奉，雙親望子伴於左右，兒女何忍雙親老來無依？視睹雙老皺紋頹面，夕陽紅燭暮落，霜白歲月，又有幾年春秋？今爾人子可曾思親哺育？十月懷胎如坐監囚，三年哺乳懷兒左右，細顧幼子，唯恐其遭不測。反觀人子懼親同居屋寢，吝嗇椿萱養食於甘旨，見高堂老邁無用，反親妻孥於閨房，間枕邊蠅營之語，兒怒親老，辱忤當前，此等子之不孝，天地亦難容也。

人子於親，盡孝為本。倘因才學廣博，利祿趨求，而棄親遠離家鄉，奔走異國從商覓職，讓倆老望雲興嘆。雖爾僕僕勤勞，貽謀報恩，然孝道未盡，亦是枉然。孔子有謂「父母在，不遠遊」，蓋父母值衰暮之年，身體精力已竭矣！殘喘餘燈，遊子何心？期望為子為媳



者，切勿留戀他鄉，理當聚首庭闈，趨承門內，共衍門閭天倫之慶，以終餘年。其子雖疏親忽遠，親亦日盼兒歸，夜寢難穩，常思左右。甚者禱天祈福，佑子安然，爾等親心直呼萬里，泣血淚傷，子亦無動於衷。嗚呼！門庭不幸，難承菽水之歡，寥寂孤單無依，祈盼子於異國能知雙親思子之痛。無奈二天涯遠而地角遙，歷經歲月，子息音訊渺茫，頓忘老親之永懷。爾等身為子者，既已棄親於陌路，孝道喪盡，安能逃乎神誅鬼殛？

是故為人子者，誠不可一日離親，況離鄉異域，毫無孺慕之思，亦不慮妻妾可否忍閨房之愁。若留戀他鄉，致使妻妾歷風塵而貪花醉柳，沈戀華貴，缺甘旨於翁姑，那計堂上於隱憂，婦德頓無中饋，寒暑遷而衣食缺，子心所何？敢遽安於離父離母，忤媳何意，早已虧婦職於分毫。

縱爾子異日榮華衣錦，旋歸門第，雙親所養幾何？天倫重逢相聚，供旨能有幾日？試問人子盡職孝親否？悠悠年華，殘喘苟過，待親歿悲風傷木之際，追悔又有何用。倘人子於孝不知養，雖布衣菽水親老，心慰安矣！教妻育子，誠敬父母，切莫違逆父母養育之恩，一日盡孝本根生，後代子賢繼續承。人子孝養，慎體孺慕之誠，莫捨親而遠行，奉勸仁人孝子，急宜奉行無倦是為大孝。

第八章 孝祭祀親篇

述聖 子思夫子 降

詩曰：人間考養德最尊，千辛孝經固根本，
親在不敬罪彌天，死後哭墳欺鬼神。



溯古至今，親亡子哀，生養死送之計，乃人子一大事也。奉親宜及時，雖美食珍饈，尤不如菽水順孝敬親。若待親歿，風木生悲之際，縱修齋設祭，戴孝舉哀，禱哭靈前，不過掩生人之耳目，巧裝作樣，戲弄鄉鄰親友，爾等孝心何存？日來世風不古，喪禮頹廢，竟以從俗為無妨。逢親喪祭典，當以古禮哀泣，存素白簡樸之心，切莫嬉戲談笑，錦繡華服而無哀。況且親人既已身逝，爾為子者，必哀親祭祀，所謂「孝子之喪親也，哭不偯，禮無容，言不文，服美不安，聞樂不樂，食旨不甘，此哀戚之情也」。

邇來世俗荒誕謬戾，異端喪禮，已成習漫延。而有代子哭親，淫聲穢舞之舉，甚或鑼鼓喧天，宰豬羊而宴客，仗僧道以建齋，此舉已違喪禮。嗟呼人子為何而為？人謂事死，當重於事生。是故生事愛敬，死事哀戚，生民之本盡矣！爾親靈黃泉有知，必也空灑滴淚，而暗泣悲傷。更有兄弟多眾，分爭財物，或礙於房分，鬩牆家庭，尤可哀者，或因風水地輿，

以致舉葬難期，停寄蕭寺間廊。亡親屍骨未寒，爾等不肖，反昧至性，未能使亡親入土為安，人子之心能體念親人之苦否？

且聞慈烏反哺，羔羊跪乳，物類尚且知恩報親，木本水源，人豈能不如禽獸乎？縱爾經濟蕭條，薄衣蔬食，倘遇親亡，一切靡華喪禮，量力有無，惟有棺槨衣裳，切不可草草從容入葬。身為人子可知雙親，苦節撫育，積勞養成，奈何親亡孤無依，寄此木棺終結殘生。倘人子不孝，藉親骸枯骨，擇賴吉地，逞其私心，為求富求貴之具，爾心何其殘忍，未知親魂不安，早已滴乾九泉之淚矣！

所謂人子有百年之養，親墓是也，生則饗餐朝夕，死則春秋祭掃。雖遇親祭日，茫然未知，性牢不備，祭品未施靈前。今人往往畏遠憚勞，或令子弟代之，或傭託他人祭拜孤墳。倘若無可假手，也不過攜妻邀親作踏青之計。嗚呼！祭祀薦食，所費甚薄，每藉口於物力艱難。試問：人子者，於閒時宴款親友，美食妻兒，窮極珍髓，又作何想？親亡惟盼人子盡其心。春露秋霜，幾經歲月，高墳孤塋，爾為人子，可知墓碑頹圮，碑跡疆界模糊，若不幸盜賊挖墳，任親骨曝屍槨外，遭牛羊踐履，狐狸食之，鼠跡縱橫，根荄侵繞。嗟嗟人子，是否思及棺中親人魂魄於不安，何為而敢廢祀？

勸爾身為子者生前盡其孝，遠勝死後祭靈前。誠謂孝子之事親，生敬其孝，死盡其哀，死生之義已備，孝子之事親終矣！若能祭祖哀誠，是乃真孝，當遺家訓而垂於後世，慎終追遠，繩繩克繼，葉葉永昌。

第九章 孝父報親篇

北極玄天上帝 降

詩曰：父子連心氣相通，蓮花籍策枝相同，

母育父生德恩重，考傳千古沐恩洪。



人生在世，欲立不朽之德，留不朽之名，無愧於天下後世者，孝道是也。古來帝王聖賢，皆以孝本齊家而治國。當今科技文明，世道衰微，而孝道倫常已廢，問其孝者乎，鮮矣！歷年千百，寒暑推移，壽夭不二，妻財子祿，何人擁有？屢見為人子者，終日沈淪苦海，浸淫聲色，棄父遺母。爾等大逆不孝，無視髮膚受之於親，忤逆違背，天理良心何在？試思：父為子求溫飽，出外覓食以養家，勞瘁一生，苦無怨言，此乃父子骨肉至親之情。由此而論，子等孝親，理應盡職，方不負生養之功。

嘗聞人世，人倫頹壞，綱紀無分，縱父育子成，福未享至，任子棄遺悖忘者，有如過江之鯽，夫又何言？孰知天親骨肉，人性真切，父無不慈，子無不孝，順天而心安。奈何貧

賤之家，常因家道清貧而漠視，富者因財而紛爭，互委託詞，種種不孝，難以盡言。總之，子養親報恩情於萬一，豈可子不子而驕奢淫佚，傲性有加，全無孝親之心，盡屬忘恩之輩。讓父母雙雙孤棲無依，而自爨其炊，視妻子如宴賓上客，棄父母宛若路旁過客。今為人子者獨不思親，養我者何苦？愛我者何深？

倘若親生於子，如同爾之鐵石心腸，棄子於荒野，任其生滅，是為人子試作何想？今父母育子，筋力已壯，謀生求職，正當盡誠奉養，而報生恩浩德。切不可兄弟不和、夫妻不睦，或好勇鬥狠、博奕淫奢，或好逸惡勞、非理不法以危父母。雖爾日用三牲奉養，又有何用？是故身為子者，能謹慎持躬，將為善思，貽父母清名。試看行善之家必有餘德，人則曰其祖德良善，而令子孫顯榮，所謂光昭先人良德，豈非孝乎？如積惡貶譽，人則曰其先祖惡名無德，故其子孫破敗，豈非大不孝乎？

深願天下之為子者，猛省思曉，父母健在應知盡孝，甚爾百工技藝師徒，皆如父子。古云：一日為師，終身為父，凡此皆當孝敬也。推而廣之，雖為主僕亦或公門官吏差役隨從，皆為父子之義。在上當寬容體恤，在下者宜竭其忠忱以報效。今為人子，既稱徒必以孝養親。自古孝子出於嚴父之家，是子之賢不肖，由父之教不彰而然，父之嚴過縱，則子不孝自明。爾為人子當善盡孝道，自得光前裕後之報，勉而奉行。

第十章 喜悅諫親篇

護國元君 九天玄母 降

詩曰：喜顏悅色奉至誠，誠諫親過孝名稱，
鄰里譏怒子受毀，美名傳揚譽家聲。

夫！孝無貴賤，不因富貴而分別，不因時地廢存焉，人子於親必喜悅於色，舉凡晨昏定省或飲食起居，莫不為親而憂心。然今之人子，罔克體此色身，未能痛惜自持，恣色欲不戒慎，貪博奕於任欲，令使親憂如焚，此情將何以堪？爾能坐視不顧親者之苦否？且勞瘁終身之力，望眼欲穿，反得子之無奈，忤逆相譏。更有不堪者，兄弟鬩牆、夫婦反目、子女不和，偶遇財產什物之微，雞犬詬誶之聲，時聞於耳。若欲禁止而不能，欲調和而不得，親也者，亦惟以暗淚飲泣，哀嘆命薄，至憂死而不瞑目，未能悅乎！親子聞此雙老泣椎之狀，能不切齒痛心而悅於親心否？

反觀身為父母者，亦如同子者之狀，令人不恥。若茲為子女而有小過，可不諫者，當不必諫也。倘若父母有不是之處，須要婉詞幾諫，使父母心中悔悟，而免得罪於鄉黨親戚。縱



使父母不喜於我，激於惱怒，子者當要和順悅色，不可粗言盛氣，以致忤怒於父母，而使雙親身受不安，這豈不陷親於不義？有謂天下無不是之父母，今若有親溺愛兒而薄待弟，或為父母事事偏心，身受其愛者，當幾諫雙親莫偏失；身受薄侍者，當順受而無忿恨，恐因言語貌怒而忤親。身為子者，適文親者，嗜賭如命，傾蕩家產，棄家不顧，壞德性而無賢，爾是人子，亦必喜容而力諫，勸親莫執成性，以理誘導，切勿任親漂流，自滅其生。甚以借端罵親，誹謗親名，而洩恨冒犯，是屬不孝。若遇親倦戀溫柔之鄉，貪花叢酒都、秦楚之樓，亦必諫親回頭是岸，莫迷惑不醒，而誤己誤人。甚莫因親等犯錯，而以牙還色，習親之形，重蹈覆轍，豈另添不孝之罪乎？

今之人子，聞親過必耐心以諍諫，切不可令親有失其職，且令鄰里親友譏毀，而忽以坐視不問。且觀今人平日皆無存養之功，諫親未能善觀形慍，疾聲厲色，急欲諫親之失，反觸親責怒。若逢親喜於事，當誠以忠諫，莫逢親怒懷心胸，抑進言者恐遭斥言不悅，身為人子當有習察觀色之智。倘親怙惡不悛，特負罪求請雙親，所謂諫諍之子，必可安親揚名。見親過，出言以委婉，旁引曲喻，比事抒詞之草率不可也，加以耐心縝密，知暴戾不可也。從容諫言之語，在有意無意之間，使親聞之，以為特為我言，又不專為我言，而達諫親之功也。

自古忠臣諫君必冒潰龍顏，不為死生之計，憂民憂國；為人子之孝，孝出寒門，諫親之過，未陷親於不仁不義。縱爾忠孝未兩全，理當盡本孝親，尋根本流，以效齊家，定可忠於國。奉勸今之人子，見親過，能為忠誠親諫，爾將美名馨香，後代定也興隆。

第十一章 庶民答親篇

陽明夫子 降

詩曰：士振綱常闡孝章，農耕本業近親房。

工商謀利盡忠信，庶民答親孝傳揚。

天地有覆載之德，父母有養育之恩，天地即父母，二氣相鈞，一理相貫，人能敬天禮地，謝載覆之恩，又豈能不竭其力，而背忘父母生養之鉅恩否？夫孝，天之經，地之義，民之行也。自古皆以孝治民，行彝倫紀綱，而后大道方興；且孝無貴賤之別，凡瞻養侍奉，順孝敬親，是為人子當盡之道。今爾人身既付託於天地，當知父母劬養之勞，何乃孝風漓薄，天理淪亡，為子女者不惟不思以報親。人苟不孝，雖貴為王侯，亦得受天殛貶罪，削福減祿之報，不可不慎。

蓋孝為齊家人德之本，亦儒者率先恭舉之首，雖孝有常變，其道惟士能明。自古凡為士儒者，有倡振綱常之責，表彰孝親之義，必也以身作則，知行合一於鄉里，提孝傳家，亦為族鄰立孝之範，並教子弟庶民知曉仁義孝道。倘身為士儒者，未盡己責，誤人子弟，荒嬉正學，敗壞德風，倡西洋功利，導荒誕邪經，不立品行，棄親而不顧，任其朝夕遊蕩，爾不孝之罪豈能赦宥乎？



試思農者必勤耕本業，切莫學人貿易，鑽名逐利，或時而學九流之技，未安己職，荒親田業，缺親供養。所謂用天之道，分地之利，謹身節用，此乃庶人之孝。身為農者勤以補拙，珍惜粒粒辛苦血汗換得，若能豐收養親，笑顏安樂齊家，是乃孝也。倘不知忠勤務本，好逸惡勞，任意荒棄田地，恣淫貪賭，背親惡名，損親福澤乃不孝也。是故農者必儉約自躬，按三時而種，非妄想暴富發財，自欺而傷親於無形，當安養孝親於膝前，是農者之孝。

觀孝親無分彼此，為工者，當修養身德，勿遺惡名以損親。工者專精於術，以善其事，盡其心而報主，凡交之物，圓滿周延，規矩循則。若主囑差事，未能按時出貨，延誤時效，令主損財，此行似屬不忠，更為不孝，害親無德。甚有貪淫沈戀柳巷，怠惰無神，徒求好逸旁門，未安本職，一步千里，遠征金財痴夢，高攀不得，終日幻想，陷親於難養，若獨享樂之際，爾為工者能不盡職養親否？

四民之中，行商坐賈者，離親之日猶多，侍親之日甚少，終年在外，於親隔離，歲時伏臘，終難承膝之歡。有者遠適異國，頓忘親顏，偏愛妻兒，雙親暗自悲泣，恨子忍拋親而孤寡伶仃，此商者屢而見多矣！是故背親從商，當日日祈親體健康泰，或由妻留侍椿萱，代子孝順，或留置親旁作蔬食承歡。時以今日，為商者變本加利，棄親不養，於人投資傾家蕩產，必利上加利，暴富成名商場，孝親薄施供養，竟推諉從商敗產，矇瞶無知雙親。爾等為人之子，肥潤己身，絲毫棄親於不認，當知逆親之子必生忤逆兒，因果點點不差移。

奉勸凡爾士農工商，上有雙親必以孝道盡職，若孝親無違，守本謀職，言孝以身作則為後代子孫之規範，亦不失庶民答親之道也。

第十二章 尊祖敬親篇

宰我夫子 降

詩曰：千里痛心效曾賢，尊祖敬親理當然，
克紹箕裘莫枉廢，繩繼家業百餘年。

蓋人得天地正氣以生，又必得父祖撫育以成，曾祖而父，父生子成，一氣血脈，薪火相傳，追溯源流，承賴祖勤儉治家，培訓後代。是故光裕先祖德業，必以克紹箕裘，莫偶形玩忽，枉費父祖辛勤汗血之積。嘗聞古聖曾參，母急咬指，千里痛心，孝名千秋。有謂：「不順乎親，不可以為子。」奈何人皆知讀書，讀過拋棄腦後，未免貽賢者笑。迄今世風不古，綱常衰頹，越序無倫，偏於寰區，觸目心傷，人情幾不堪問矣！

試思：父祖創業維艱，碩德廣積，身為子孫能以承繼祖宗遺業，當可綿延不息。倘若廢先人之基，敗祖之德，抵知坐享其成，箕裘罔然，致煙祀之漸滅，宛如敗家之子。既知有神而竟不知有祖，不竭子弟之經營，自視貴子蘭孫，矜言福命，近柳巷花街，尤矯託風流，祖產遺散，尚稱洋洋得意。至此誰知祖妣之深恩，既漠視祖上之德，又何足與言乎尊祖？



近觀子孫者，情無顧忌，絕人倫之大體，致孫辱祖，多貽犯上之譏，久病廢醫藥，傷天理之太和。或有待妻妾，竭盡精神，不惜錢財，勞盡捨用，然於父祖吝財難捨，痛癢無關，或見祖孫分爨者有之，或祖母孤棲無依者有之。爾等子孫之輩，豈坐視弗問，寒暑無問，飢渴曷顧，蕭蕭然燈影夜髮霜，父祖惟盼子孫含飴繞膝，心足歡慰，又何求錦衣玉食呢？人子後代見斯情景，猶不動心憐愛孝親否？爾豈知曉，甚有父母雙親早逝，賴祖父之養成，或慈母末終，依祖母含辛茹苦而育，倘為人孫子，忘本逐末，天性泯滅，忘卻祖父母養恩詎德者，其不流入於禽獸也幾希矣！

是故父祖愛子疼孫，無非望其養老殯葬，照管墳塋有時，並祀享春秋二祭，如爾不顧父祖，而子孫豈肯顧爾哉？況祖父母不幸魂斷逝世，亦期祖靈香煙脈脈相傳，奈何不孝子孫背祖忘禮，斷源塞流，於孝敬尊祖之道，晃似雲煙，棄如敝屣。爾等子孫輩，假於人前善作虛偽，表裏不一，徒博鄰里憐情，既數典忘祖，又該如何自立先祖於九泉之下？

時以年經歲月，風雨所殘，任祖墳孤茔荒廢，雜草蔓生，春祭秋祀難得珍饈佳餚，羅列於公堂。古聖有云：「慎終追遠，民德歸厚矣！」是乃勸後代子孫，莫忘根本，聿修厥德，追念祖德之行，其義至深。是故尊祖者必善繼其志，善述其事，以克盡孝道，繩繩繼繼，事死如事生，事亡如事存。今為子孫莫忽而忘之，昭明祖德，揚祖耀親。願爾子子孫孫當也傳承祖宗遺德，必得馨香萬古於當前。盼聞閱者，靜心體悟，毋負吾之苦口勸迷之心，警勉奉行。

《明燈寶鑑》助印啟事

本書奉旨著作，列分四冊：《忠孝》、《仁愛》、《禮義》、《廉恥》。自民國80年辛未季秋至85年丙子孟夏止，歷經六年，三界高真降臨本宮揮鸞闡教，提倡中國八德倫理，篇篇金言玉語，實為嘔心瀝血之作，修身立命之寶典。

蒙上天宏慈，為使寶鑑廣為流傳，奉聖諭：特以頒佈殊勝助道功勳如後：

- 一、凡助印寶書乙本，記功十次，助印百冊各加善功品級。
- 二、宣講《明燈寶鑑》乙次，各記功十五次，司察神記之。
- 三、勸化乙部者，記大功乙次。
- 四、助道勸募捐施流通，四處結緣宣講，真心實善者，各依所贈而記錄功勳。

為冀廣印宣化，歡迎十方大德善仕，踴躍發心隨緣助印，並廣傳流通，四處結緣，代天宣化，使人手一本，請利用郵政劃撥帳號「一五三一一二五五號 修緣雜誌社」收，如有祈願亦請註明，凡助印造功者，本宮將造列名冊於初一、十五呈繳 上蒼鑑納，敘錄功德。

護國九天宮忠孝堂
修緣雜誌社

敬啟



《明燈寶鑑》

忠孝·仁愛·禮義·廉恥

【現世善惡因果報】助印啟事

本宮奉旨著作【現世善惡因果報】聖書，冊分上卷惡報篇、下卷善報篇，自戊子仲秋至己丑桐月止，歷時半年，每逢鸞期由三界高真引地獄罪魂及氣天神祇，敘述在世之惡行、善果，篇篇發人深省，金玉良言，用詞淺顯，實爲勸善教化之寶書。

蒙上天宏慈，爲使聖書廣爲流傳，奉聖諭：特以頒佈殊勝助道功德如後：

- 一、凡每助印乙本，記善功三次。以此累積。
- 二、若願廣發善書，四處結緣，讓人得聞此書而改其惡念、惡行者，凡一人各記善功十次。
- 三、以此書鳩集各地，發心宣說因果故事，讓聽聞者，願意知錯改過，懺悔前愆，以此因果報應之理，作爲後世警惕，各記善功二十次。改過者，不以禍刑求懲。
- 四、聽聞此書，自己更加善念堅定，持恆守道不輟者，各記善功三十次。
- 五、若有求福壽者，各依所愿，增添福祿。
- 六、求減災去禍者，各依其心懺悔誠意，而減其累世因果業障。
- 七、仁人孝子，爲父母添加福壽者，准依其助印善愿添記之。
- 八、爲超拔祖先者，九玄七祖必當功德迴向，可早超冥府輪迴。

期盼十方大德善仕，踴躍發心隨緣助印，每本工本費五十元，並廣傳流通，四處結緣，代天宣化，使人手一冊，讓聞得此書者改其惡念、惡行，廣積陰鷲福田，改善社會風氣趨於祥和之境。凡助印造功者，本宮將造列名冊於初一、十五呈繳 上蒼鑑納，敘錄功德。

護國九天宮管理委員會

敬啟

《神遇之光》徵求神蹟感應 啟事

本宮爲彰顯 九天玄姆慈悲救世，及諸聖神恩師恩主之神威顯赫，發心出版《神遇之光——修道神蹟感應錄》善書。

南天 文衡聖帝 聖諭：

諸生善心可嘉，道念俱足，發心爲使此部善書早日發行，一言一金玉，善念沖天闕。凡入鸞之生，人行一文章，其餘堂生、信眾，亦可投稿；共助善刊者，吾記大功十次，登臺說法者，一次各記大功五十。

邀請諸位善信大德，曾與 九天玄姆娘娘或其他恩師結緣之神蹟感應，皆歡迎踴躍投稿或口述，共襄盛舉，功德無量。

護國九天宮管理委員會 敬啟



九天玄姆聖傳 徵求贊助啟事

黃帝之師 九天玄姆乃先天一炁之上古真仙，傳世之聖跡隱幽難聞，娘娘願力宏深，助軒轅打敗蚩尤，是為開國仙師也。故每逢朝代更替，亂世衰微，娘娘必降臨顯化，扶助明君、保佑忠良而護國佑民。

此聖傳為 九天玄姆娘娘親臨闡述中華民族開國之經歷。黃帝憂國禱天，感聖神扶助，庇佑蒼黎。今聖傳完竣刊行，凡我炎黃子孫豈能不知民族源流之根本，盼此聖傳能得善德之士廣為助印流傳，俾使人手一冊，將 九天玄姆娘娘護國佑民之無為願力發揚，召感蒼生，而共助吾中華聖道之興盛。

凡助印造功者，每冊三十元，本宮將敬列贊助名冊，於初一、十五日焚呈 上天鑑納，以證功果。



護國九天宮管理委員會

敬啟

【誠誦聖號 有求皆應】

奉聖諭：

凡今後若有信徒，身染疾病或欠安者，可置清水（敬茶）一杯，置於佛前（神案前）；無神案者，可置於面向東方，三炷清香，恭請 九天玄姆娘娘後虔誠默唸（須許願），「大慈大悲大聖大願萬法教主開國仙師護國元君九天玄姆大慈尊」聖號四十九次後，飲用敬茶，有求皆應，應驗如雷，唯須悔過行善也。

請常恭誦「大慈大悲大聖大願萬法教主開國仙師護國元君九天玄姆大慈尊」



【為何要皈依鸞門】

自科技發達以來，人類追求物質享受，養成靡爛頹廢之生活，造成精神空虛，社會風氣因之敗壞不堪，遂使乾不遵三綱五常，坤不守三從四德。

原本天真樸實之性，於焉蕩然無存！在現今社會中，上下交征利之風氣下，導致君不君、臣不臣，父不父、子不子，夫不夫、妻不妻；而使此社會得了世紀——黑死病。

因此，列聖諸真有鑒於此，創扶鸞傳真之法佈教，所述真理應時應機，人人能懂，個個可修之法門。使修者盡棄一切昔日之非，恪遵列聖仙真之訓勉，注重克己複禮之修持工夫，並可改造社會風氣及復興中華固有文化。

是故，皈依鸞門修持，不僅使自身改變氣質，亦能扭轉社會頹風，創造一個富而好禮之社會。

【皈依的好處】

鸞門乃是在家修道居士之方便法門，以三綱五常、四維八德為準則，不拋棄家庭，亦無礙於事業之發展。

秉遵仙佛所降之聖訓，以及研讀先聖先賢之經典，二六時中修身養性，上可奉養父母于膝前，下能與妻娛子，內則家庭和睦，外可和氣以待人。

此不僅利己且有利於人，如能本此而修，實為個人、家庭及社會國家之福；除此之外，

又可以所積之功德消解自身之業障，進而超拔祖玄，蔭及兒孫。精進修持不二心，百年後自能位列仙班，永享品蓮。何樂而不爲？

【皈依的意義】

人有現在與未來，事有始終與本末，不把握現在即將失去未來。君子者——首當立命修身而安家，人生的過程中，人人每日都過著矛盾的生活，如同狂人癡夢般的幻想。《尚書》云：「惟狂，克念作聖；惟聖，妄念作狂。」簡言之，人的思想、情感、觀念，常給自已造就了無邊的罪業，無知的沉迷在六道輪迴中；妄念、情感與邪惡的思想，給當今的社會風氣帶來了無限的罪惡感。

本宮鑑於當今道德風氣敗壞，物質生活糜爛，精神食糧欠缺；除發行善刊雜誌贈閱外，並提供修身場所讓有心修身皈依者能有一修身養性之機會。人生只是「滄海之一粟」雖是一小粟，卻也是人類一份子；倘世間人人皆能「克己復禮」於仁，將昏沉散亂的精神加以修飾，當可會萬物於己者。

【如何辦理皈依】

若您有心加入此一修身消業行列，或願爲聖務犧牲奉獻效勞者，可於每周日下午2點親至本宮辦理皈依事宜，請自行準備五果一份叩答神恩。

每週濟世時間

一、叩問時間：

(一) 星期六 | 19:30 - 21:30 (號碼牌領取 開始, 限 15 名)

(二) 星期日 | 14:00 - 17:00 (號碼牌領取 開始, 限 25 名)
10:00 - 18:30

(中午本宮堂備有免費素食午餐)

二、叩稟個人資料：

(一) 姓名、出生年月日、時辰(以農曆為準)、地址、電話。

(二) 來函叩問者，須字體工整詳細填列叩問，不詳者恕難受理，請諒察。

(請附回郵信封及郵資)


三、叩問項目：(每人叩問限二項)

1. 身體
2. 事業
3. 運途
4. 婚姻
5. 功名
6. 家運
7. 查前世因果、功過(在學學生恕不辦理此項)
8. 姻緣何時至(未婚者)
9. 親人過逝後在陰間情形。亡者須滿百日後始可叩問，請詳填亡者姓名、逝世時間和享陽壽幾歲。(此項由陽世子孫代為叩問，叩問者須填個人資料)
10. 疑難解惑


九天宮候車處
南港捷運站2號出口

週六-17:50
週日-09:50 · 11:20
13:20 · 15:20

Google Map 路線指引



護國九天宮



九天宮候車處
研究院郵局前

週六-18:00
週日-10:00 · 11:30
13:30 · 15:30

本宮位置圖

本宮濟世叩問小啟暨班車時間

本宮社為方便前來朝聖及未開車之信眾大德上山叩問，特於濟世時間，在下列地點備有本宮專車接駁，班車時間表如下：

【上山】

1. 南港捷運站二號出口(右轉公車站前)：

星期六下午 5:50 分。

星期日上午 9:50 及 11:20，下午 1:20 及 3:20 分各一班。

2. 南港中央研究院公車站牌(郵局前)：

星期六下午 6:00 分。

星期日上午 10:00 及 11:30，下午 1:30 及 3:30 分各一班。

3. 木柵捷運站出口(捷運高架橋下與木柵路交叉口處)：

每逢星期日上午 09:30 及 11:30 分各一班。(敬請電話預約)

【下山】時間請洽本宮服務台。

【備註】

前來本宮之大德，也可搭市區公車 212、205、270、306、276、620、645、指南 679 號及休閒公車 113 至中央研究院站下車後，依上列時間表準時搭乘本宮專車，逾時不候；而木柵線須事前預約，謝謝合作。

修緣關心您

修緣秉持宗教「耕耘播種」的信念，為人類做最大的服務。

修緣是一本綜合宗教修身勸化期刊，為人們提供美好的生活遠景。

修緣關心您，更需要您的關心與參與。

修緣是一本只送不賣的綜合刊物，只要一通電話或來函索閱即贈。

修緣需要您的支持，無論是精神或財力上的支援，我們都珍惜。

如蒙隨喜助印，廣為流傳，我們衷心感謝。匯款請利用郵政劃撥。

讓沒看過善書的人，都能看，是我們的責任；讓不想看善書的人，都想想，是我們的目標。讓我們共同奮鬥，使修緣光輝普照黑暗的角落。如欲助印善書，請到各地郵局利用郵政劃撥「一五三一一二五五號 修緣雜誌社」收。或以匯票、支票、禮券、現金袋寄達，功德無量。

國家圖書館出版品預行編目資料

《明燈寶鑑》. 忠孝部, —初版, — 臺北市
修緣雜誌, 民88
面: 公分

ISBN 957-99529-3-0 (平裝)

1.善行 2.修身

192.9

88001829

明燈寶鑑 忠孝部

中華民國一十一年九月 再版

發行所：修緣雜誌社

著者：護國九天宮忠孝堂

宮堂址：台北市南港區南深路九十一巷三十三號

(本宮因南港區道路整編原先舊莊街住址變更為以上新址)

贈送處：護國九天宮忠孝堂

修緣雜誌社

社團法人中華儒道研究協會贊助

電話：(〇二) 二七八六五四九四〇五

傳真號碼：(〇二) 二七八三二四二五

郵政劃撥：一五三一一二五五修緣雜誌社

登記處：行政院新聞局登記證局版台誌第七九二號

郵政：中華郵政台北雜字第一二五七號登記為雜

誌交寄

網址：<http://www.jiutiangong.com/>

版權所有·請勿翻印

九霄鎮寰宇 忠恕一貫傳千古
天道育乾坤 孝門禮路列聖賢

ISBN 957995293-0



9 789579 952934



護國九天宮忠孝堂

Hu-kuo Chiu Tian Temple

台北市南港區南深路91巷33號

No. 33, Ln. 91, Nanshen Rd., Nangang Dist.,

Taipei City 115, Taiwan (R.O.C.)

TEL : (02)2786-5494

網址 : <http://www.jiutiangong.com>

